



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

§. 2. S. Joseph dignitas, felicitas, deliciæ.

[urn:nbn:de:hbz:466:1-79340](https://nbn-resolving.org/urn:nbn:de:hbz:466:1-79340)

Phylactus, Hugo &c. quia Joannes solet in suo Evangelio, dum de seipso agit, humilitatis causâ nomen suum recitare. Sylveira hic.

Unus ex vobis tradet me. Joann. 13. 21. Et subjunxit: *erat recubens unus in sinu JESU.* v. 23. Ambrosius Catharinus: fortè extasim quandam passus est; & quasi extasi interceptus, cecidit super pectus Domini.

Puritatem puerilis ætatis usque ad senium custodivit illasam, innocentiaq; nitorum servavit in mente. S. Laur. Just. de eod.

Ille recubitus in pectore Salvatoris, ille divinus ardor, quem ex arcana ejus inspiratione concepit, ita in ejus visceribus omnium libidinum fomem decoxit; ut corpus ejus, tanquam revera Spiritus S. templum, a cunctis vernaret æstuantis luxuriæ squaloribus defœcatum. Petr. Dam. f. 1. de eod.

§. VI.

S. Joannes Martyr.

Potestis bibere calicem? Matth. 20. 22. Et iste calicem bibit: non solum, quia in ferventis olei dolium missus, & propter insuperabilem evangelizandi constantiam in Pathmos insulam deputatus est; verum etiam quia (quod maximè prædicandum) ubi B. V., & Genitricis animam gladius pertransivit, ibi & anima vulnerata est hujus Dilecti. Sanctus Rupertus de Operibus Spirit. Sanct. c. 12.

Dabatur mihi intelligere, quòd Sanct. Joannes tantum dolorem sustinuerat de Passione, & morte, CHRISTI; & de dolore Matris; quòd existimo, eum fuisse plusquam Martyrem, dicebat B. Angela de Fulgino. In vita scripta ab Arnaldo Ord. Franc.

TITULUS XXI.

S. JOSEPH

Nutritius Christi.

§. I.

Figura.

*V*iditq; in somnis scalam. Gen. 28. 12. Natus CHRISTUS pupillus in hoc Sæculo, id est, absque carnali patre; illè B. virò (Joseph) pro patre in omnibus usus est, & in illa generationis scala, quæ per Matthæum textur, eidem Sanct. Joseph omnis humanæ opis indiga Humanitatis ejus natura, tanquam gradui supremo innixa est. Sanct. Rupertus in Joan. 1. 2. Scala illa Jacob est generatio JESU CHRISTI, & latera scalæ summi Patres, vel principes, sunt hujus generationis, atque David; ad quos promissio facta est, cum juramento ejus, qui repromisit. Supremus scalæ gradus, cui Dominus innixus est, iste est B. Joseph vir MARIE; de qua JESUS, qui vocatus CHRISTUS, natus est. Quomodo iste Deus, & Dominus, huic innixus est? utique tanquam tutori pupillus; quippe qui in hoc Mundo sine patre natus est. Ità innixus est huic B. Joseph, ut esset infantulo iste pater optimus. Idem de gloria & hon. Filij hom. in Matth. 1. 1. Idem similiter ait in Genes. 1. 7. cap. 22.

Sanctus Bernardus hom. 2. sup. Miss. comparat illum Joseph Patriarchæ.

§. II.


Sanct. Joseph dignitas, felicitas, delicia.

DO tibi partem unam extra fratres tuos. Gen. 48. 22. Sept. ad tibi partem eximiam. Considera, ætatem Patrem sic alloquentem Sponsam MARIE: en, signò specialissimò amorem meum in te ostendo. *Do tibi partem unam; quam tui de manu Amorrhæi in gladio, & aris meo,* in fortitudine mea; quam potentia brachij mei, à diaboli insidijs præveni; hanc accipe in sponsam. Alvarez illustr. 322.

Gratia super gratiam, mulier sancta, & pudorata. Eccl. 26. 19. Gratia, id est, res gratissima, summum bonum, beneficium, & felicitas. Quam felix ergo fuit Sanct. Joseph, cui à DEO obigit sponsa sanctissima; imò Virginum, & Sanctorum omnium, regina B. V. MARIA gratiâ plena. Cornelius hic.

Jacob autem genuit Joseph virum MARIE. Matth. 1. 16. qui jure, verèque, vocatur Pater Christi: quia Christus fuit fructus conjugij Joseph, & MARIE. Natus enim in utriusque conjugio, jure utriusque adscribendus est: quia Joseph, per conjugium corporis, B. Virginis quasi dominus effectus est: ergo & fructus corporis B. Virginis, putà CHRISTUS, ad Josephum pertinuit. Licet supernaturaliter natus sit CHRISTUS, non virtute Josephi, sed Spiritus Sancti, fecundantis Virginem. Nam leges, nata in agro meo sterili supernaturaliter, mea est.

2. Quia



2. Quia vir, & uxor, per conjugium fiunt unum, & quasi una persona civilis: quare omnia habent communia, etiam proles legitime natas. Corn. hic.

Cum esset desponsata MARIA, &c. Matth. 1. 18. Providetur sponsus, providetur maritalis species; ut celet miraculum, ut tegat signum, ut velet Virginis partum, ut crimini non det locum, ut furentis infidias sic eludat. S. Chrysol. l. 146.

Ex Patribus, & aliis.

Sicuti qui solum electione, & non jure sanguinis, ad regiam dignitatem ascendit; non minus à cunctis rex vocatur, nec minor ei obedientia, & honor, deferuntur; quam si ex paterna hæreditate regnum obtinisset: ita etiam, licet Joseph naturâ pater CHRISTI non fuerit; tamen, quia ex CHRISTI electione in Patrem assumptus est, meritò Patris adoptivi nomen sibi vindicare potest. Sanct. Joan. Damasc. Or. 13.

Cui datum est, quod multi reges, & Prophetæ, cum vellent videre, non viderunt; audire, &c. non solum videre, & audire; sed etiam portare, deducere, amplecti, deoculari, nutrire, & custodire. S. Bernardus hom. 2. sup. Miss.

Piè credendum est, non tamen asserendum, quòd piissimus Filius Dei JESUS pari privilegio decoravit suum patrem putativum, sicut suam sanctissimam Matrem: ut sicut illam assumpsit in eum in corpore, & animam gloriosam; sic etiam in die Resurrectionis suæ Sanctissimum Joseph. S. Bernardus Sen. f. de S. Joseph.

Si Elisabeth exclamavit propheticè ad unicam MARIÆ salutationem; si exultavit præ gaudio Joannes infans in utero ejus: quid ex continua cohabitatione, & allocutione cum MARIA & puero JESU, justus Joseph acceperit divinæ consolationis, & illuminationis? quid dexteram illam bajulantem in ulnis speciosam formâ præ filijs hominum, quando blandiebatur ardentem, quando condelebat vagienti; quando frequentèr sponso suo Joseph bajulandum, fovendum, osculandumque, tradebat, vidisse? Gerlon. f. de Nat. B. V.

Franciscus Suarez 3. p. q. 29. disp. 8. Sect. 2. probabiliter opinatur, Josephum in gratia, & gloria, antecellere Apostolos & Joannem Bapt. quia ejus officium illorum officio præcellabat: plus enim est, esse Patrem, & Rectorem, CHRISTI, quam

Præconem, & Præcursores ejusdem. Cornelius in Matth. 1.

§. III.

S. Joseph Sanctitas, virtutes.

Cum esset justus. Matth. 1. 19. Sanct. Hieron. vocari justum attendito propter omnium virtutum perfectam possessionem. Justus appellatio omnem virtutem complectitur. Sanct. Chrysostomus hom. 23. in Gen. Fidelis servus, & prudens, &c. quem constituit dominum suæ Matris solatium, suæ carnis nutrimentum; solum denique in terris magni consilij coadjutorem fidissimum. Sanct. Bernardus hom. sup. Miss. Justus ex Legge, justus ex bona voluntate, justus ex bona operatione. Et si nihil aliud ad testimonium suæ justitiæ: quòd virgo, quòd Virginis Matris sponsus, quòd CHRISTI nutritus est electus, additamentum facit. Simon Cass. l. 2. c. 16.

S. Joseph, qui tantopere in vita sua Deum, Deique Filium, amarat, aliâ morte nequibat mori, quàm amoris. S. Francis. Sales. tr. de am. l. 7. c. 13.

Voluit occultè dimittere eam. ib. Humilians se ante tantam, & ineffabilem rem, quærebat se longè facere. Sicut Petrus: *exi à me Domine: sicut Centurio, non sum dignus &c.* sicut Elisabeth, *unde hoc mihi?* Sic & Joseph justè humilians sese, in omnibus cavebat, & timebat sibi, tantæ sanctitatis conjunctionem adhibere. Origenes hom. 1. in diversis. Idem ait Sanct. Bernardus hom. 2. sup. Miss.

Virum MARIÆ. Matth. 1. 16. Valde notandum: quòd, cum Evangelista tot virorum conjugalium meminerit, nullum tamen uxoris suæ virum appellaverit. Non dixit Abraham virum Saræ &c. Solum autem Joseph, qui nunquam ad sacratissimam suam Sponsam accessit, & cum ea virgo permanit ad mortem. Hoc ut intelligas, nota 4. Reg. 4. 7. 9. 16. 21. 22. 25. 27. Eliseum sæpe virum Dei vocari, & etiam sæpe servum Dei: quò significatur, obsequio, & amoris Dei fuisse addictissimus. Ità dum Joseph vir Mariæ dicitur, intelligitur, eum magis dicatum, ac conservatum fuisse reverentiæ, purissimoque amoris, Sanctissimæ Virginis sponsæ suæ, quàm alij Patriarchæ uxores suas dilexerunt. Diez conc. 1. in Nat. B. V.

